



門口 665 卷 2



春秋左傳卷二十三昭公盡十七年

十有三年春叔弓帥師圍費不書南蒯以費叛不以告廟夏

四月楚公子比自晉歸于楚弑其君虔于乾谿比

晉而不送書歸者依陳蔡以人言陳蔡猶列國也此歸而靈王死故書弑其君靈王無道而弑稱臣

比非首謀而反書弑比雖脅公猶以罪加也靈王死在五月初不在乾谿楚人生失靈王故本其始

禍以楚公子棄疾殺公子比比雖為君而未列於諸侯故不稱爵殺不

稱入罪秋公會劉子晉侯齊侯宋公衛侯鄭伯曹

伯莒子邾子滕子薛伯杞伯小邾子于平丘平丘在陳

畱長垣八月甲戌同盟于平丘書同齊公不與盟縣西南

三傳 卷二十三 一不皮而曾可賣



魯不堪音不諷隱弘多公晉人執季孫意如以歸

公至自會傳無蔡侯廬歸于蔡陳侯吳歸于陳陳蔡皆受

如晉至河乃復晉人吳滅州來州來楚邑用

傳十三年春叔弓圍費弗克敗焉為費人所敗平

子怒令見費人執之以為囚俘冶區夫曰非也區夫

若見費人寒者衣之飢者食之為之令主而

共其乏困費來如歸南氏亡矣民將叛之誰與居

邑若憚之以威懼之以怒民疾而叛為之聚也若

諸侯皆然費人無歸不親南氏將焉入矣平子從

之費人叛南氏費叛南氏在明年傳善楚子之為

令尹也殺大司馬遂掩而取其室在襄二及即位

奪遂居田居掩之族言遷許而質許圍遷許在九

夫蔡洧有寵於王王之滅蔡也其父死焉楚滅蔡

年洧仕楚其父在國故死王使與於守而行使洧守國王申之

會越大夫戮焉申會在王奪鬪韋龜中韋龜今

又奪成然邑而使為郊尹成然韋龜子郊

蔓成然故事蔡公蔡公棄疾也故猶舊也韋龜以

棄疾有當璧之命故使成然事

蔓成然故事蔡公

蔓成然故事蔡公

蔓成然故事蔡公

故遠氏之族及遠居許圍蔡洧蔓成然皆王所

不禮也因羣喪職之族啓越大夫常壽過作亂

起之死也其子從在蔡事朝吳

夫聲子曰今不封蔡蔡不封矣我請試之

楚故欲以蔡公之命召子干子皙

及郊而告之情疆與之盟入襲蔡

蔡公將食見之而逃

用牲加書而速行

常壽

觀

起死在襄二十

二年朝吳故蔡大

觀從以

父死怨

元子皆靈王弟

奔蔡

示

巴徇於蔡巴觀曰蔡公召三子將納之與之盟

而遣之矣將師而從之許言蔡公將

之執觀辭曰失賊成軍而殺余何益乃釋之賊謂

違之以待所濟言若能為靈王死則可違

安定則如與之以濟所欲言與蔡公則

適而可言不可違眾曰與之乃奉蔡公召三子

而盟于鄧鄧城二子于子皙依陳蔡人以國

楚公子比子公子黑肱子公子棄疾蔡蔓成

依之

然蔡朝吳師陳蔡不羹許葉之師因四族之徒四族

蓬氏許圍蔡洧蔓成然以入楚及郊陳蔡欲為名故請為武

軍欲築壘壁以示後人為復讐之名蔡公知之曰欲速且役病矣

請藩而已乃藩為軍藩籬也蔡公使須務牟與史狎

先入因正僕人殺大子祿及公子罷敵須務牟史狎楚大夫

蔡公之黨也正僕大子之近官公子比為王公子黑肱為令尹次

于魚陂竟陵縣城西北有甘魚陂公子棄疾為司馬先除王宮

使觀從從師于乾谿而遂告之從乾谿之師告使叛靈王且曰

先歸復所後者勦勦截鼻師及訾梁而潰靈王還至訾梁而眾

散

王聞羣公子之死也自投於車下曰人之愛其

子也亦如余乎侍者曰甚焉小人老而無子知擠

于溝壑矣擠隊也王曰余殺人子多矣能無及此乎

右尹子革曰請待于郊以聽國人聽國人之所與王曰衆

怒不可犯也曰若入于大都而乞師于諸侯王曰

皆叛矣曰若亡于諸侯以聽大國之圖君也王曰

大福不再祇取辱焉然丹乃歸于楚然丹子革棄王歸王

訟夏將欲入鄢夏漢別名順流為訟順漢水南至鄢芋尹無宇之子

申亥曰吾父再奸王命謂斷王旌執人於章華宮王弗誅惠執

大焉君不可忍惠不可棄吾其從王乃求王遇諸

棘闡以歸棘里名闡門也夏五月癸亥王縊于芋尹申亥

氏癸亥五月二十六日皆在乙卯兩辰後傳終言之經書四月誤申亥以其二女

殉而葬之觀從謂子于曰不殺棄疾雖得國猶受

禍也子于曰余不忍也子玉曰人將忍子子玉觀從吾

不忍侯也乃行國每夜駭曰王入矣相恐以乙卯靈王也

夜棄疾使周走而呼曰王至矣周徧也乙卯十八日國人大

驚使蔓成然走告子于于誓曰王至矣國人殺君

司馬將來矣司馬謂棄疾也言司馬見殺以恐子于君若早自圖也

可以無辱衆怒如水火焉不可為謀又有呼而走

至者曰衆至矣二子皆自殺不書弒君位未定也丙辰棄疾

即位名曰熊居葬子于于訾實訾敖不成君無號謚者楚皆謂

殺囚衣之王服而流諸漢乃取而葬之以靖國

人使子旗為令尹子旗蔓成然楚師還自徐前年圍徐之師吳

人敗諸豫章獲其五帥定二年楚人伐吳師于豫章吳人見舟于豫章而潛

師于巢以軍楚師于豫章又柏舉之役吳人舍舟

于淮汭而自豫章與楚夾漢此皆當在江北淮水

南蓋後徙在平王封陳蔡復遷邑復九年致羣賂

始舉事時施舍寬民宥罪舉職舉職脩廢官召觀從王

曰唯爾所欲觀從教子于殺棄疾棄疾今對曰臣

之先佐開卜乃使為卜尹佐卜人使枝如子躬聘

于鄭且致欒櫟之田欒櫟本鄭邑楚中取之事畢

弗致知鄭自說服鄭人請曰聞諸道路將命寡君

以欒櫟敢請命對曰臣未聞命既復王問欒櫟降

服而對降服如今解曰臣過失命未之致也王執

其手曰子母勤姑歸不穀有事其告子也王善其

王卜曰余尚得天下尚庶不吉投龜詎天而呼曰

是區區者而不余界區區小余必自取之民患王

之無厭也故從亂如歸初其王無冢適冢大有寵

子五人無適立焉乃大有事于羣望羣望星而祝

曰請神擇於五人者使主社稷乃徧以璧見於羣

望曰當璧而拜者神所立也誰敢違之既乃與巴

姬密埋璧於大室之庭巴姬其王妾使五人齊而

長入拜從長効康王跨之過其靈王肘加焉子于

子皆皆遠之平王弱抱而入再拜皆厭紐微見璧

審識鬪韋龜屬成然焉知其將立且曰棄禮違命楚

其危哉棄立長之禮違當璧子于歸韓宣子問於

叔向曰子于其濟乎對曰難宣子曰同惡相求如

市賈焉何難宣子謂棄疾親侍子于其同好對曰

無與同好誰與同惡言棄疾本不與子于同好則亦不得同惡取國有

五難有寵而無入一也寵須賢人而固有入而無主二也

雖有賢人當須內主為應有主而無謀三也謀策謀也有謀而無民

四也民有民而無德五也四者既備當以德成子于在晉什

三年矣晉楚之從不聞達者可謂無入晉楚之士從子于游

皆非族盡親叛可謂無主無親族在楚無釁而動可謂

無謀召子于時楚未有大釁為羈終世可謂無民終身羈客在晉是無

亡無愛徵可謂無德楚人無愛念之者王虐而不忘靈

暴虐無所畏忌將自下楚君子于涉五難以弒舊君誰能濟

之言楚借君于子于以弒靈王終無能成有楚國者其棄疾乎君陳蔡

城外屬焉城方城也時穿封戌既死棄疾并領陳事苛慝不作盜賊伏

隱私欲不違不以私欲違民事民無怨心先神命之先神謂羣

國民信之乎姓有亂必季實立楚之常也獲神

一也當璧有民二也民信令德三也無苛慝寵貴四

也子居常五也棄疾有五利以去五難誰能害

子貴妃

也

左傳卷三十三

之子于之官則右尹也數其貴寵則庶子也以神

所命則又遠之其貴亡矣位不尊其寵棄矣父既沒故民

無懷焉非令德國無與焉無內主將何以立宣子曰齊

桓晉文不亦是乎皆庶賤對曰齊桓衛姬之子也有

寵於僖衛姬齊僖公妾有鮑叔牙賓須無隰朋以為輔佐

有莒衛以為外主齊桓出奔莒衛有舅氏之助有國高以為內

主國氏高氏齊上卿從善如流言其疾也下善齊肅齊嚴也肅敬也不

藏賄清也不從欲儉也施舍不倦施舍猶言布恩德求善不厭

是以有國不亦宜乎我先君文公狐季姬之子也

有寵於獻好學而不貳言篤志生十七年有士五人

狐偃趙衰顛頡魏武子司空季子五士從出有先大夫子餘子犯以為

腹心子餘趙衰子犯狐偃有魏犢賈佗以為股肱魏犢魏武子也稱五

人而說四士賈佗又不有齊宋秦楚以為外主齊妻

在本數蓋叔向所賢有樂卻狐先以為內主謂樂枝

以女宋贈以馬楚王享之秦伯納之突先亡十九年守志彌篤惠懷棄民惠公懷公不恤民也民

從而與之獻無異親民無異望獻公之子九人唯文公在天方

相晉將何以代文此二君者異於子于共有寵子

國有與主謂棄疾也無施於民無援於外去晉而不送

歸楚而不逆何以冀國傳言子于所以蒙弑君晉之名棄疾所以得國

成虎祁在入諸侯朝而歸者皆有貳心賤其奢也為取

鄭故取鄭在晉將以諸侯來討叔向曰諸侯不可

以不示威知晉德薄欲以威服之乃竝徵會告于吳秋晉侯

會吳子于良下邳有良城縣水道不可吳子辭乃還辭不

七月丙寅治兵于邾南甲車四千乘三十萬人羊舌鮒

攝司馬緜叔向弟也攝兼官遂合諸侯于平丘子產子大叔

相鄭伯以會子產以帷幕九張行帷幕軍旅之帳子大叔

以四十既而悔之每舍損焉及會亦如之亦九張也傳

子產之適宜大叔之從善次于衛地叔鮒求貨於衛淫芻蕘者

欲使衛患之而致貨衛人使屠伯饋叔向羹與一篋錦屠伯衛大夫

夫曰諸侯事晉未敢攜貳況衛在君之宇下屋宇之下

喻近也而敢有異志芻蕘者異於他日敢請之請止之

叔向受羹反錦受羹示不逆其意且非貨曰晉有羊舌鮒者瀆

貨無厭瀆數也亦將及矣將及禍為此役也役事也子若

以君命賜之其已客從之未退而禁之禁芻蕘者晉人

將尋盟齊人不可有心故晉侯使叔向告劉獻公獻公

王卿士劉子曰抑齊人不盟若之何對曰盟以底信底致

也君苟有信諸侯不貳何患焉告之以文辭董之

以武師雖齊不許君庸多矣董督也庸功也討天之有蘇故功多也天

子之老請帥王賦元戎十乘以先啓行天子大夫稱老元戎

戎車在前者啓戎車在前者啓遲速唯君欲佐晉叔向告于齊曰

諸侯求盟已在此矣今君弗利寡君以為請對曰

諸侯討貳則有尋盟若皆用命何盟之尋託用命以拒晉

叔向曰國家之敗有事而無業事則不經業貢賦之業

有業而無禮經則不序須禮而有次序有禮而無威序則

不共禮須威嚴有威而不昭其則不明威須昭告

信義不明棄其百事不終所由傾覆也信義不明則棄威不

威棄禮無禮無經無經無業故百事不成是故明王之制使諸侯歲聘

以志業志識也歲聘間朝以講禮三年而一朝止

幼之再朝而會以示威六年而一會以訓上再會

而盟以顯昭明十二年而一盟所以昭信義也凡

下嶽之志業於好聘講禮於等朝示威於衆會昭明

於神盟也自古以來未之或失也存亡之道恒由是

興晉禮主盟依先王先公舊懼有不治奉承齊犧

齊盟之犧牲而布諸君求終事也終竟君曰余必廢之

何齊之有唯君圖之寡君聞命矣齊人懼對曰小國言之大國制之敢不聽從既聞命矣敬其以往遲速唯君叔向曰諸侯有間矣間隙也不可以不示衆八月辛未治兵習戰建而不旆建立旌旗不曳其旆旆游也壬申復旆之諸侯畏之君將戰則旆故曳旆以恐之邾人莒人愬于晉曰魯朝夕伐我幾亡矣自昭公即位邾魯同好又不朝夕伐莒無故怨愬晉人信之所謂讒愚弘多我之不共魯故之以不共晉貢以魯故也晉侯不見公使叔向來辭曰諸侯將以甲戌盟寡君知不得事君矣請君無勤託謙辭以絕魯子服惠伯對

曰君信蠻夷之訴蠻夷謂邾莒以絕兄弟之國棄周公之後亦唯君寡君聞命矣叔向曰寡君有甲車四千乘在雖以無道行之必可畏也況其率道其何敵之有牛雖瘠饋於豚上其畏不死備也南蒯子仲之憂其庸可棄乎棄猶忘也若奉晉之衆用諸侯之師因邾莒杞鄆之怒四國近魯數以小事相忿鄆已滅其民猶存故并以恐魯以討魯罪聞其二憂因南蒯子仲二憂為間隙何求而弗克魯人懼聽命不敢與盟甲戌同盟于平丘齊服也經所以稱同令諸侯日中造于除除地為壇盟會處癸酉退朝先盟子

產命外僕速張於除張幌子大叔止之使待明日

及夕子產聞其未張也使速往乃無所張矣地已滿也

傳言子產海及盟子產爭承承貢賦曰昔天子班

貢輕重以列列位列尊貢重周之制也公侯地廣

多卑而貢重者甸服也甸服謂天子畿鄭伯男也

而使從公侯之貢言鄭國在甸服外爵列伯懼弗

終也敢以為請諸侯靖兵好以為事靖息行理之

命行理使人無月不至貢之無藝小國有關

所以得罪也諸侯修盟存小國也貢獻無極亡可

待也存亡之制將在今矣自日中以爭至于昏晉

人許之既盟子大叔咎之曰諸侯若討其可瀆乎

瀆易子產曰晉政多門政不出貳偷之不暇何暇

討貳不壹國不競亦陵何國之為不競爭則為人所

國公不與盟信邾莒之訴晉人執季孫意如以幕

蒙之蒙裏使狄人守之司鐸射魯大懷錦奉壺飲

水以蒲伏焉守者御之乃與之錦而入蒲伏竊往

箭筒蓋可晉人以平子歸子服湫從秋子服惠子

產歸未至聞子皮卒哭且曰吾已已猶無為為善

矣唯夫子知我言子皮知之善仲尼謂子產於是行也

足以爲國基矣詩曰樂只君子邦家之基詩小雅言樂與

君子爲治乃國家之基本子產君子之求樂者也且曰合諸侯

藝貢事禮也嫌爭競不順鮮虞人聞晉師之悉起

也五年傳曰遺守四千今甲車四千乘故爲悉起而不警邊且不修備言

狄無謀晉荀吳自著雍以上軍侵鮮虞及中人驅衝

競中山望都縣西北有中大獲而歸爲十五年晉伐鮮虞起

楚之滅蔡也靈王遷許胡沈道房申於荆焉平王

卽位既封陳蔡而皆復之禮也滅蔡在十一年許胡沈小國也道房

申皆故諸侯楚滅以爲邑荆荆山也傳言隱太子

之子廬歸于蔡禮也隱太子大子有悼大子之子

吳歸于陳禮也悼大子偃師冬十月葬蔡靈公禮

也國復成禮以葬也此陳蔡事傳皆言禮嫌楚所封不得比諸侯故明之公如晉荀

吳謂韓宣子曰諸侯相朝講舊好也執其卿而朝

其君有不好焉不如辭之乃使士景伯辭公于河

景伯士文伯之子彌牟也吳滅州來令尹子旗請伐吳王弗許

曰吾未撫民人未事鬼神未脩守備未定國家而

用民力敗不可悔州來在吳猶在楚也子姑待之

傳言平王所季孫猶在晉子服惠伯私於中行穆

以能有國私與曰魯事晉何以不如夷之小國魯兄弟也

土地猶大所命能具若為夷棄之使事齊楚其何

瘳於晉瘳差也親親與大賞共罰否所以為盟主也

子其圖之諺曰臣一主言一臣必有二主道吾

豈無大國言非獨晉可事穆子告韓宣子且曰楚滅陳蔡

不能救而為夷執親將焉用之乃歸季孫惠伯曰

寡君未知其罪合諸侯而執其老老尊卿稱若猶有罪

死命可也死音命也若曰無罪而惠免之諸侯不聞是

逃命也何免之為請從君惠於會欲得盟會見宣

子患之謂叔向曰子能歸季孫乎對曰不能鮒也

能鮒叔魚乃使叔魚叔魚見季孫曰昔鮒也得罪於

晉君自歸於魯君蓋襄二十一年坐叔虎與欒氏黨并得罪微武子之

賜不至於今武子季平子祖父雖獲歸骨於晉猶子則肉

之敢不盡情歸子而不歸鮒也聞諸吏將為子除

館于西河西使近河其若之何且泣泣以信其言平子懼先

歸惠伯待禮待見遣之禮

經十有四年春意如至自晉書至者喜得免三月曹伯滕

卒無傳四夏四月無傳秋葬曹武公無傳八月莒子去

疾卒未同盟冬莒殺其公子意恢以禍亂告不必繫於為卿故雖公子

亦書意恢與亂君為黨故書名惡之

傳十四年春意如至自晉尊晉罪已也以舍族為尊晉罪已

尊晉罪已禮也禮修已而不責人南蒯之將叛也盟費人

司徒老祁慮癸一人南蒯家臣偽癢疾使請於南蒯曰臣

願受盟而疾興若以君靈不死請待間而盟間差也

許之二子因民之欲叛也請朝衆而盟欲因合衆以作亂

遂劫南蒯曰羣臣不忘其君君謂畏子以及今三

今字

年聽命矣子若弗圖費人不忍其君將不能畏子

矣不能復畏子子何所不逞欲請送子送使出奔請期五日

南蒯請期冀有變遂奔齊侍飲酒於景公公曰叛夫戲對

曰臣欲張公室也張強也子韓皙曰齊大夫家臣而欲

張公室罪莫大焉言越職司徒老祁慮癸來歸費歸魯

齊侯使鮑文子致之南蒯雖執費人不從未專屬齊二子逐蒯而復其舊故經

不書歸費齊使文子致邑欲以假好非事實也夏楚子使然丹簡上國之

兵於宗丘且撫其民上國在國都之西西方居上流故謂之上國宗丘楚地

分貧振窮分與也振救也長孤幼養老疾收介特介特單身民也

今字

收養不救災患，宥孤寡，賦稅赦罪戾，詰姦慝。詰責問也

舉淹滯，淹滯有才德而未叙者禮新敘舊，新，羈旅也祿勳，合親勳。

也。親任良物官，物，事也使屈罷簡東國之兵於召陵。

兵在國都亦如之，如，然也好於邊疆，結好四鄰息民五年。

而後用師，禮也。秋八月，莒著丘公卒，郊公不感，郊公

著丘國人弗順，欲立著丘公之弟庚與，庚與，莒公也蒲

餘侯惡公子意恢而善於庚與，蒲餘侯，莒大夫也意恢，莒羣公

郊公惡公子鐸而善於意恢，鐸亦羣公子公子鐸因

蒲餘侯而與之謀曰：爾殺意恢，我出君而納庚與。

許之，為下冬殺楚令尹子旗有德於王，不知度，有佐

與養氏比而求無厭，養氏，子旗之黨也王患之。

九月甲午，楚子殺鬬成然，而滅養氏之族，使鬬辛

居鄖以無忘舊勳，辛，子旗之冬十二月，蒲餘侯茲

夫殺莒公子意恢，郊公奔齊，公子鐸逆庚與於齊。

齊陽黨公子鉏送之，有賂田，莒賂齊晉那侯與雍

子爭鄙田，那侯，楚申公巫臣之子也雍子亦故楚人，久而無成，士景伯

如楚，士景伯，晉理官叔魚攝理，攝，代也韓宣子命斷舊獄，罪

狂雍子，雍子納其女於叔魚，叔魚蔽罪，那侯也。蔽，斷也

邢侯怒殺叔魚，共雍子於朝。宣子問其罪於叔向。叔向曰：三人同罪，施生戮死可也。施行雍子自知其罪而賂以買直，鮒也。鬻獄，邢侯專殺其罪一也。已惡而掠美為昏，掠取也。貪以敗官為墨，墨不潔之稱。殺人不忌為賊。也。思畏。夏書曰：昏墨賊殺。逸書二者皆死刑。臯陶之刑也。請從之。乃施邢侯而尸，雍子與叔魚於市。仲尼曰：叔向古之遺直也。言叔向之直，治國有古人遺風。制刑不隱於親。謂國之大問，已所答當也。至於他事，則宜有隱。數叔魚之惡，不為末減。未薄也。減，輕也。皆以正言之。曰：義也。夫可謂直矣。

矣。於義未安。直則有之。平丘之會，數其賄也。謂言其賄，化見無厭。以寬衛

國，晉不為暴。歸魯季孫稱其詐也。謂言其詐，也能。以寬魯

國，晉不為虐。邢侯之獄，言其貪也。以正刑書，晉不

為頗。三言而除三惡，加三利。三惡，暴虐頗也。三利，惡除則三利加。殺

親益榮。榮，名。猶義也。夫三罪唯答宣子問，不可以不正其餘，則以直傷義，故

之。重疑。十有五年春，王正月，吳子夷末卒。無傳。未二月

癸酉，有事于武宮，籥人叔弓卒，去樂卒事。略書有

弓卒起也。武宮，魯武公廟。成六年，立之。夏，蔡朝，吳出奔鄭。朝，吳不遠，讒人所以

見逐而六月丁巳朔日有食之無秋晉荀吳帥師

伐鮮虞冬公如晉

十五年春將禘于武公戒百官齊梓慎曰禘之

日其有咎乎吾見赤黑之祲非祭祥也喪氣也妖

氛也蓋見於宗廟故以其在涖事乎也二月

癸酉禘叔弓涖事籥入而卒去樂卒事禮也大臣

為之楚費無極害朝吳之在蔡也朝吳蔡大夫有

去樂欲去之乃謂之曰王唯信子故處子

於蔡子亦長矣而在下位辱必求之吾助子請請

上又謂其上之人蔡人在上位者曰王唯信吳故處諸蔡

二三子莫之如也而在其上不亦難乎弗圖必及

於難夏蔡人逐朝吳朝吳出奔鄭王怒曰余唯信

吳故寘諸蔡且微吳吾不及此女何故去之無極

對曰臣豈不欲吳非不欲然而前知其為人之異

也言其多吳在蔡蔡必速飛去吳所以翦其翼也

以鳥喻也言吳在蔡必六月乙丑王太子壽卒周

王秋八月戊寅王穆后崩荀躒如周葬穆后起

晉荀吳帥師伐鮮虞圍鼓鼓白狄之別鉅鹿鼓人

下曲陽縣有鼓聚

或請以城叛。子弗許。左右曰：師徒不勤而可以獲城，何故不為？穆子曰：吾聞諸叔向曰：好惡不愆，民知所適，事無不濟。愆，過也。適，歸也。或以吾城叛，吾所甚惡也。人以城來，吾獨何好焉？賞所甚惡，若所好何？無以復加所好。若其弗賞，是失信也。何以庇民？力能則進，否則退。量力而行，吾不可以欲城而適姦所喪。滋多，使鼓人殺叛人，而繕守備。圍鼓三月，鼓人或請降，使其民見曰：猶有食色，姑修而城。軍吏曰：獲城而弗取，勤民而頓兵，何以事君？穆子曰：吾以事君。

也。獲一邑而教民怠，將焉用邑？邑以賈怠，不如完

舊。完，猶保也。賈怠無卒。卒，終也。棄舊不祥，鼓人能事其君，

我亦能事吾君，率義不爽。爽，差也。好惡不愆，城可獲

而民知義所。知義所，在也。苟吳必其能獲，故因以示義。有死命而無二

心，不亦可乎？鼓人告食竭力盡，而後取之，克鼓而

反，不戮一人。以鼓子欬鞮歸。欬鞮，鼓君名。冬，公如晉，平

丘之會，故也。平丘，會公不與盟。季孫見執，今既得免，故往謝之。十二月，晉

荀躒如周，葬穆后，籍談為介。既葬，除喪，以文伯宴。

樽以魯壺。文伯，魯有躒也。魯壺，魯所獻壺樽。王曰：伯氏諸侯皆有以

鎮撫王室晉獨無有何也感魯壺而言也鎮撫文

伯揖籍談文伯無辭揖籍談使對對曰諸侯之封也皆受明

器於王室謂明德之分器以鎮撫其社稷故能薦彝器於

王薦獻也彝常也謂可常寶之器若魯壺之屬晉居深山戎狄之與鄰

而遠于王室王靈不及拜戎不暇言王寵靈不見及故數為戎所

加其何以獻器王曰叔氏而忘諸乎叔籍叔父唐

叔成王之母弟也其反無分乎密須之鼓與其大

路文所以大蒐也密須姑姓國也在安定陰密關

鞞之甲武所以克商也關鞞國所出鎧唐叔受之以處參

虛臣有戎狄參虛實沈之次晉之分野其後襄之二路周襄王

受之以有南陽之田事在僖二撫征東夏非分而

何夫有勳而不廢加重有績而載書功奉之以土

田有南陽撫之以彝器弓鉞旌之以車服襄之路明之

以文章旗子孫不忘所謂福也福祚之不登叔父

焉在言福祚不在叔且昔而高祖孫伯鷹司晉之

典籍以為大政故曰籍氏孫伯鷹晉正卿及辛有

之二子董之晉於是乎有董史辛有周人也其二子適晉為大史籍

厲與之共董晉晉典因爲董氏董狐其後女司典之後也何故忘之籍

談不能對賓出王曰籍父其無後乎數典而忘其

祖忘祖業籍談歸以告叔向叔向日王其不終乎吾

聞之所樂必卒焉今王樂憂若卒以憂不可謂終

王一歲而有三年之喪二焉天子絕期唯服三年故后雖期通謂之二

喪於是乎以喪賓宴又求彝器樂憂甚矣且非禮

也彝器之來嘉功之由非由喪也三年之喪雖貴

遂服禮也天子諸侯除喪當在卒哭今王既葬而除故譏其不遂王雖弗遂

宴樂以早亦非禮也言今雖不能遂服猶當靜禮

王之大經也一動而失二禮無大經矣失二禮謂既不遂服

又設宴樂言以考典考成也典以志經忘經而多言舉典

將焉用之爲二十二年王室亂傳

經十有六年春齊侯伐徐楚子誘戎蠻子殺之夏

公至自晉秋八月己亥晉侯夷卒未同盟九月大雩

季孫意如如晉冬十月葬晉昭公三月而葬速

傳十六年春王正月公在晉晉人止公不書諱之

也猶以取鄭故也公爲晉人所執止故諱不書齊侯伐徐楚子聞蠻氏

之亂也與蠻子之無質也質信也使然丹誘戎蠻子

嘉殺之遂取蠻氏既而復立其子焉禮也詐之非也立其

子禮也河南新城縣東南有蠻城二月丙申齊師至于蒲隧蒲隧徐地

下邳取慮縣徐人行成徐子及邾人莒人會齊侯

盟于蒲隧賂以甲父之鼎甲父古國各高平昌邑縣東南有甲父亭徐人

得甲父鼎以賂齊叔孫昭子曰諸侯之無伯害哉為小齊國害

君之無道也興師而伐遠方會之有成而還莫之

亢也無亢御無伯也夫詩曰宗周既滅靡所止戾正

大夫離居莫知我肄詩小雅戾定也肄勞也言周舊為天下宗今乃衰滅亂無

息冠執政大夫離居異心無有心民勞者也其是之謂乎傳言晉三月

晉韓起聘于鄭鄭伯享之子產戒曰苟有位子朝

無有不共恪孔張後至立于客間孔張子執政禦

之執政掌位列者禦止也適客後又禦之適縣間縣樂肆客從

而笑之事畢富子諫富子鄭大夫諫子產也曰夫大國之人

不可不慎也幾為之笑而不陵我言數見笑則我心陵侮我我

皆有禮夫猶鄙我也鄙賤也國而無禮何以求榮孔張

失位吾子之耻也子產怒曰發命之不衷衷當也出

令之不信刑之頗類緣事類以成偏頗獄之放紛紛亂也

會朝之不敬謂國無禮敬之心使命之不聽下不從上命取陵

於大國罷民而無功罪及而弗知僑之耻也孔張君之昆孫子孔之後也昆兄也子孔鄭襄公兄孔張之祖父執政之

嗣也子孔嘗執鄭國之政為嗣大夫承命以使周於諸侯國人所尊諸侯所知立于朝而祀于家卿得自立廟於家有

祿於國受祿邑有賦於軍軍出卿賦百乘喪祭有職有所受

服歸服受服謂君祭以肉賜大夫歸服謂大夫祭歸肉於公皆社之戎祭也其祭在

廟已有著位在位數世世守其業而忘其所僑焉

得恥之其祭在廟謂助君祭辟邪之人而皆及執政是先王

無刑罰也言為過謬者自應用刑罰子寧以他規我規正也宣子

有環其一在鄭商玉環同工共私自共為雙宣子謁諸鄭伯謁請

也子產弗與曰非官府之守器也寡君不知子大

叔子羽謂子產曰韓子亦無幾求言所求少晉國亦未

可以貳晉國韓子不可偷也偷薄也若屬有讒人交

鬪其間鬼神而助之以與其凶怒悔之何及吾子

何愛於一環其以取憎於大國也盍求而與之子

產曰吾非偷晉而有二心將終事之是以弗與忠

信故也僑聞君子非無賄之難立而無令名之患

僑聞為國非不能事大字小之難無禮以定其位

之患夫大國之人令於小國而皆獲其求將何以
給之一共一否為罪滋大也滋益大國之求無禮以
斥之何屢之有吾且為鄙邑則失位矣不復成國若韓
子奉命以使而求玉焉貪淫甚矣獨非罪乎出一
玉以起二罪吾又失位韓子成貪將焉用之且吾
以玉賈罪不亦銳乎銳細小也韓子買諸賈人既成賈
矣商人曰必告君大夫韓子請諸子產曰日起請
夫環執政弗義弗敢復也復重求也今買諸商人商人
曰必以聞敢以為請子產對曰昔我先君桓公與

商人皆出自周鄭本在周畿內桓公東遷并與商人俱庸次比耦用也
也用次更相從耦耕以艾殺此地斬之蓬蒿藜藿而共處之
世有盟誓以相信也曰爾無我叛我無強賈無強市其
毋或句奪爾有利市寶賄我勿與知恃此質誓
故能相保以至于今今吾子以好來辱而謂敝邑
強奪商人是教敝邑背盟誓也毋乃不可乎吾子
得玉而失諸侯必不為也若大國令而共無藝法藝
也鄭鄙邑也亦弗為也不欲為鄙邑之事僑若獻玉不知
所成敢私布之也布陳也韓子辭玉曰起不敏敢求玉

以微二罪敢辭之傳言子產知禮夏四月鄭六卿

餞宣子於郊飲酒送行宣子曰二三君子請皆賦起

亦以知鄭志詩言志也子養賦野有蔓草子養子皮之子嬰齊也野

有蔓草詩鄭風取其宣子曰孺子善哉吾有望矣

君子相願已所望也子產賦鄭之羔裘言鄭別於唐羔裘也取其彼已之子舍命

不淪邦之彥宣子曰起不堪也子大叔賦

褰裳褰裳詩曰子惠思我褰裳涉溱子不我思豈無他人言宣子思已將有褰裳之志如少我

思亦豈無他人宣子曰起在此敢勤子至於他人乎言已

好在此不復子大叔拜之有鄭宣子曰善哉子之

言是是褰裳不有是事其能終乎韓起不欲令鄭求

晉鄭終善子游賦風雨雨子游駟帶之子駟偃也風

不子旗賦有女同車女同車取其洵美且都愛樂

宣子子柳賦韓令取其倡和女言宣子倡已將

和宣子喜曰鄭其度乎二三君子以君

命貺起賦不出鄭志六詩皆鄭風故皆昵燕好也

昵親也賦不出二三君子數世之主也可以無懼

矣宣子皆獻馬焉而賦我將我將詩頌取其日靖

之威言志在靖子產拜使五卿皆拜曰吾子靖亂

亂畏懼天威左傳卷三十三

註謝下
一本有
子產二
字

敢不拜德宣子私覲於子產以玉與馬曰子命起

舍夫玉是賜我玉而免吾死也敢不藉手以拜以玉

馬藉手馬藉手公至自晉晉聽子服昭伯語季平子昭伯

隨公從晉還曰晉之宮室其將遂卑矣君幼弱

六卿疆而奢傲將因是以習習實為常能無卑乎

平子曰爾幼惡識國昭伯尚少平秋八月晉昭公

卒為下平子九月大雪旱也鄭大旱使屠擊祝款

暨祔有事於桑山三子鄭大夫斬其木不雨子產

曰有事於山藝山林也藝養護而斬其木其罪大

矣奪之官邑冬十月季平子如晉葬昭公平子曰

子服回之言猶信自往見之子服氏有子哉有賢

經十有七年春小邾子來朝夏六月甲戌朔日有

食之秋邾子來朝八月晉荀吳帥師滅陸渾之戎

冬有星孛于大辰大辰房心尾也楚人及吳戰于

長岸吳楚兩敗莫肯告負故但書

傳十七年春小邾穆公來朝公與之燕季平子賦

采叔采叔詩小雅取其君子來朝穆公賦菁菁者

莪菁菁者莪亦詩小雅取其既昭子曰不有以國

見君子樂且有儀以答采叔

二下

其能久乎嘉其能答賦言其夏六月甲戌朔日有賢故能久有國

食之祝史請所用幣禮正陽之月日食當昭子曰

日有食之天子不舉不舉盛饌伐鼓於社責羣諸侯用

幣於社請上伐鼓於朝退自責禮也平子禦之樂禁也

曰止也唯正月朔慝未作日有食之於是乎有伐

鼓用幣禮也其餘則否大史曰在此月也正月謂建巳正

陽之月也於周為六月於夏為四月慝陰氣也四月純陽用事陰氣未動而侵陽災重故有伐鼓用幣之禮也平子以為六月非日過分而未至過春分而

未夏二辰有災三辰日月星也日月相侵又犯是宿故三辰皆為災於是乎

百官降物降物素服君不舉辟移時辟正寢過日食時樂奏鼓

伐祝用幣於社史用辭用辭以自責故夏書曰辰不集

于房逸書也集安也房舍也瞽奏鼓瞽樂師嗇夫馳

庶人走車馬曰馳步曰走此月朔之謂也當夏四

月謂之孟夏言此六月當夏家之四月平子弗從昭子退曰夫

子將有異志不君君矣安君之災故秋郊子來朝

公與之宴昭子問焉曰少皞氏鳥名官何故也少皞

金天氏黃帝之子已姓之祖也問何故以身各官郊子曰吾祖也我知之

昔者黃帝氏以雲紀故為雲師而雲名黃帝軒轅氏姬姓之

五傳

註以雲
名為號
非為名

左傳卷三十一

祖也黃帝受命有雲瑞故以雲紀事百官炎帝氏

師長皆以雲名為號縉雲氏蓋其一官也炎帝氏

以火紀故為火師而火名也炎帝神農氏姜姓之祖

名百共工氏以水紀故為水師而水名共工以諸

州者在神農前大皞後大皞氏以龍紀故為龍師

而龍名大皞伏犧氏風姓之祖我高祖少皞摯之

立也鳳鳥適至故紀於鳥為鳥師而鳥名鳳鳥氏

歷正也鳳鳥知天時故玄鳥氏司分者也玄鳥燕

分來秋伯趙氏司至者也伯趙伯勞也以青鳥氏

司啓者也青鳥鶉鳩也以丹鳥氏司閑者也丹鳥

也以立秋來立冬去入大水祝鳩氏司徒也祝鳩

為屬上四鳥皆歷正之屬官也鶉鳩氏鶉鳩王鶉也鶉而

也鶉鳩鶉故為鳴鳩氏司馬也鳴鳩王鶉也鶉而

制鳴鳩氏司空也鳴鳩鶉鳩氏鶉鳩司事也鶉鳩

寇也爽鳩鷹也鶉故鶉鳩氏司事也鶉鳩春來冬去故

為司五鳩鳩民者也鳩聚也治民五雉為五工

正五雉雉有五種西方曰鶉雉東方曰鶉雉南方曰鶉雉

器用正度量夷民者也夷平九扈為九農正九種

也春扈鴻鵠夏扈竊玄秋扈竊藍冬扈竊黃棘扈

九扈為九農之號各扈民無淫者也扈止也止民

左傳卷三十一

二十一

自顓頊以來不能紀遠乃紀於近為民師而命以

民事則不能故也顓頊氏代少皞者德不能致遠瑞而以民事命官仲尼

聞之見於郊子而學之於是仲尼既而告人曰吾

聞之天子失官學在四夷猶信失官官不修其職也傳言聖人無常

師晉侯使屠蒯如周請有事於雒與三塗屠蒯晉侯之膳

幸也以忠諫見進雒雒水也三塗山各在陸渾南長弘謂劉子曰客容猛

非祭也其伐我乎陸渾氏甚睦於楚必是故也君

其備之乃警戎備警戎以備戎也欲因晉以合勢九月丁卯晉荀

吳帥師涉自棘津河津使祭史先用牲于雒陸渾

人弗知師從之庚午遂滅陸渾數之以其貳於楚

也陸渾子奔楚其眾奔甘鹿甘鹿周地周大獲先警戎備故獲

宣子夢文公攜荀吳而授之陸渾故使穆子帥師

獻俘于文宮欲以應夢冬有星孛于大辰西及漢夏之辰星見在天漢西今孛星

申須曰彗所以除舊布出辰西光芒東及天漢

新也申須魯大夫天事恒象天道恒以象類告示人今除於火火

出必布焉諸侯其有火災乎今火向伏故知當須火出乃布散為火

梓慎曰往年吾見之是其徵也徵始有象而徵也火出而

見前年火出時今茲火出而章必火入而伏隨火沒也其居

今茲

火也久矣歷二其興不然乎言必火出於夏為三

月謂昏於商為四月於周為五月夏數得天得人

若火作其四國當之在宋衛陳鄭乎宋大辰之虛

也大辰大火陳大皞之虛也大皞居陳太鄭祝融

之虛也祝融高辛氏皆火房也房舍星孛及漢漢

水祥也天漢水也衛顛頊之虛也故為帝丘衛今濮陽

項居之其城其星為大水衛星管室水火之牡也

也牡雄其以丙子若壬午作乎水火所以合也丙午

子水水火合而相薄水若火入而伏必以壬午尚

知今字星當復隨火不過其見之月火見周鄭裨

竈言於子產曰宋衛陳鄭將同日火若我用瓊華

玉瓚鄭必不火瓚圭也華玉爵也子產弗與以為

流行非獲所息故也為吳伐楚陽句為令尹卜戰

不吉陽句穆王曾司馬子魚曰我得上流何故不

吉子魚公子子鮒也順且楚故司馬令龜我請改卜

令曰鮒也以其屬死之楚師繼之尚大克之吉得

戰于長岸子魚先死楚師繼之大敗吳師獲其

乘舟餘皇餘皇舟名使隨人與後至者守之環而擊之

及泉也環周盈其隧炭陳以待命入遂吳公子光諸

闕廬請於其衆曰喪先王之乘舟豈唯光之罪衆

亦有焉請藉取之以救死藉衆之舟衆許之使長

鬣者二人長鬣多鬣與吳人潛伏於舟側曰我

呼餘皇則對師夜從之師吳也三呼皆迭對迭更楚

人從而殺之楚師亂吳人大敗之取餘皇以歸傳

吳光有謀

春秋左傳卷二十三

春秋左傳卷二十四 昭公盡二十二年

經 十有八年春王三月曹伯須卒未同盟而夏五

月壬午宋衛陳鄭災來告故書六月邾人入郟邾國

今琅邪秋葬曹平公冬許遷于白羽自葉遷也畏

開陽縣以自遷鄭而樂遷故

傳 十八年春王二月乙卯周毛得殺毛伯過毛伯

大夫得而代之其代居莒弘曰毛得必亡是昆吾稔

之日也侈故之以昆吾夏伯也稔熟也侈惡而毛

得以濟侈於王都不亡何待為二十六年三月曹

平公卒為下會葬見夏五月火始昏見火心丙子

風梓慎曰是謂融風火之始也東北曰融風融風

火之始七日其火作乎從丙子至壬午七日壬午戊

寅風甚壬午大甚宋衛陳鄭皆火梓慎登大庭氏

之庫以望之大庭氏古國名在魯城內魯於其處

前年曰宋衛陳鄭也數日皆來告火言經所禘竈

曰不用吾言鄭又將火前年禘竈欲用禘畢禳火

鄭人請用之信竈子產不可子大叔曰寶以保民

也若有火國幾亡可以救亡子何愛焉子產曰天

道遠人道邇非所及也何以知之竈焉知天道是

亦多言矣豈不或信多言者或遂不與亦不復火

傳言天道難明雖禘竈猶不足以盡知之鄭之未災也里析告子產曰

將有大祥里析鄭大夫民震動國幾亡吾身泯焉

弗良及也言將先國遷其可乎子產曰雖可吾不

足以定遷矣子產知天災不可逃非及火里析死

矣未葬子產使輿三十人遷其柩以其嘗與火作

子產辭晉公子公孫于東門晉人新來未入使司

寇出新客新來禁舊客勿出於宮為其知國情使

子寬子上巡羣屏攝至于大宮二于鄭大夫屏攝祭祀之位大宮鄭

祖廟巡行宗廟不得使火及之使公孫登徙大龜登開卜大夫使祝史

徙主祔於周廟告于先君祔廟主石函周廟厲王廟也有火災故合羣主

於祖廟易救護使府人庫人各做其事做備火也商成公做司

宮商成公鄭大夫司宮巷伯寺人之官出舊宮人寘諸火所不及舊宮

人先公司馬司寇列居火道備非常也行火所燠燠炙也

城下之人伍列登城為部伍登城備姦也明日使野司寇各

保其徵野司寇縣士也火之明日四方乃聞災故戒保所徵役之人郊人助祝

史除於國北為祭處於國北者就大陰禳火禳火于玄冥回祿玄冥

水神回祿火祿祈于四鄘鄘城也城積土陰氣所聚故祈祭之以禳火之餘災書焚

室而寬其征與之材征賦稅也三日哭國不市亦憂戚不市

使行人告於諸侯宋衛皆如是陳不救火許不弔

災君子是以知陳許之先亡也不義所六月邠人

藉糶邠姓國也其君自出藉糶蓋履行之邠人襲邠邠人將閉門

邠人羊羅攝其首焉斬得閉門者頭遂入之盡俘以歸邠

子曰余無歸矣從帑於邠邠莊公及邠夫人而舍

其女為明年未伐邠起秋葬曹平公往者見周原伯魯焉

原伯魯周大夫與之語不說學歸以語閔子馬閔子馬曰

周其亂乎夫必多有是說而後及其大人國亂俗壞言者

適多漸以及大人大人患失而惑又曰可以無學無

學不害患在位者不害而不學則苟而可以

無害遂不學於是乎下陵上替能無亂乎夫學殖

也不學將落原氏其二乎殖生長也言學之進德如農之殖苗日新日益

七月鄭子產為火故大為社為治被禳於四方振

除火災禮也振棄也乃簡兵大蒐將為蒐除治兵於廟城內

地迫故子大叔之廟在道南其寢在道北其庭小

庭蒐過期三日使除徒陳於道南廟北

曰子產過女而命速除乃毀於而鄉而女也毀子

產朝朝君過而怒之怒不除者南毀子產及衝使從

者止之曰毀於北方言子產仁不火之作也子產

授兵登陴子大叔曰晉無乃討乎辭晉公子公孫而授兵似若叛

音子產曰吾聞之小國忘守則危況有災乎國之

不可小有備故也既晉之邊吏讓鄭曰鄭國有災

晉君大夫不敢寧居卜筮走望不愛牲玉鄭之有

災寡君之憂也今執事擱然授兵登陴擱然勁將

以誰罪邊人恐懼不敢不告子產對曰若吾子之

言敝邑之災君之憂也敝邑失政天降之災又懼
讒慝之間謀之以啓貪人荐為敝邑不利也也以

重君之憂幸而不亡猶可說也說解也不幸而亡君

雖憂之亦無及也鄭有他竟望走在晉言鄭雖與他國為竟

每瞻望晉歸赴之既事晉矣其敢有二心傳言子產有備楚左尹

王子勝言於楚子曰許於鄭仇敵也而居楚地以

不禮於鄭十二年平王復遷邑許自夷還居葉恃楚而不事鄭晉鄭方睦鄭

若伐許而晉助之楚喪地矣君盍遷許許不專於

楚自以舊國不專心事楚鄭方有令政許曰余舊國也許先鄭卦

鄭曰余俘邑也隱十一年鄭滅許而葉在楚國方復存之故曰我俘邑

城外之蔽也為方城外之蔽障土不可易易輕也國不可小

謂許不可俘讐不可啓君其圖之楚子說冬楚子

使王子勝遷許於析實白羽於傳時白羽改為析

經十有九年春宋公伐邾邾為夏五月戊辰許世子

止弑其君買加弑者責止不金藥物巳卯地震無傳秋齊高發

帥師伐莒冬葬許悼公無傳

傳十九年春楚工尹赤遷陰于下陰陰縣今屬南鄉郡令

尹子瑕城郟叔孫昭子曰楚不在諸侯矣其僅自

完也。以持其世而已。遷陰城，邾皆欲以自完守。楚子之在蔡也。

蓋為大夫時往聘蔡。邾陽封人之女奔之，生大子建。邾陽及蔡邑。

即位，使伍奢為之師。伍奢，伍舉之子，伍員之父。費無極為少師。

無寵焉。欲譖諸王，曰：「建可室矣。」室，妻也。王為之聘於

秦，無極與逆，勸王取之。正月，楚夫人羸氏至自秦。

王自取之，故稱夫人。至為下拜，夫人起。鄆夫人宋向戌之女也。故向

寧請師。寧，向戌子也。請於宋公伐邾。二月，宋公伐邾，圍蟲。三月

取之。蟲，邾邑。不書圍取，不以告。乃盡歸鄆俘，夏許悼公瘞。五月

戊辰，飲大子止之藥，卒。止，獨進藥，不由醫。大子奔晉，書曰：

弑其君。君子曰：盡心力以事君，舍藥物可也。藥物，當由醫，非凡人所知，讖止不。邾人、鄆人、徐人、會、宋

公乙亥，同盟于蟲。終宋公伐邾事。楚子為舟師以伐濮。濮，南

夷也。費無極言於楚子曰：「晉之伯也，邇於諸夏而楚辟陋，故弗能與爭若大城。」城父，而寘大子焉。城父，今襄

父縣。以通北方。王收南方，是得天下也。王說從之。

故大子建居于城父。令尹子瑕聘于秦，拜夫人也。

為明年講。大子張本。改以為夫人，遣謝秦。秋，齊高發帥師伐莒。莒不事齊，故

莒子奔紀鄆。紀鄆，莒邑也。東海贛榆縣，東北有紀城。使孫書伐之。孫

陳無字之初莒有婦人莒子殺其夫已為嫠婦嫠寡子子占也

及老託於紀鄆紡焉以度而去之因紡織連所紡以度城而

藏之以待外攻及師至則投諸外投諸城外或獻者欲以報讐

諸子占子占使師夜縋而登登者六十人縋

絕師鼓譟城上之人亦譟莒共公懼啓西門而出

七月丙子齊師入紀傳言怨不在大是歲也鄭駟偃卒子

游娶於晉大夫生絲弱子游師偃也弱幼少其父兄立子瑕

子瑕子游叔父駟乞子產憎其為入也憎子且以為不順舍

立叔不順禮也弗許亦弗止許之為違禮止之駟氏聳聳懼也

他日絲以告其舅冬晉人使以幣如鄭問駟乞之

立故駟氏懼駟乞欲逃子產弗遣請龜以卜亦弗

子大夫謀對子產不待而對客曰鄭國不天不獲天福

寡君之二三臣札瘥天昏天死曰札小疫曰瘥短折曰天未名曰昏今

又喪我先大夫偃其子幼弱其一二父兄懼隊宗

主私族於謀而立長親於私族之謀宜立親之長者寡君與其

二三老曰抑天實剝亂是吾何知焉言天自欲亂駟氏非國所

知諺曰無適亂門民有兵亂猶憚過之而況敢知

天之所亂今大夫將問其故抑寡君實不敢知其

誰實知之平丘之會在二十三年君尋舊盟曰無或失職

若寡君之二三臣其即世者晉大夫而專制其位

是晉之縣鄙也何國之為辭客幣而報其使晉人

舍之遣人報楚人城州來沈尹戌曰楚人必敗三十

年吳縣州來今就城而取之昔吳滅州來在二十子

旗請伐之王曰吾未撫吾民今亦如之而城州來

以挑吳能無敗乎侍者曰王施舍不倦息民五年

可謂撫之矣戌曰吾聞撫民者節用於內而樹德

於外民樂其性而無寇讐今宮室無量民人日駭

勞罷死轉徙也忘寢與食非撫之也傳言平王所以不能壽

鄭大水龍鬪于時門之外洧淵時門鄭城門也洧水出滎陽密縣東

南至潁川長平入潁國人請為禱焉子產弗許曰我鬪龍不

我覲也覲見也龍鬪我獨何覲焉禳之則彼其室也

滎龍之室吾無求於龍龍亦無求於我乃止也傳言子產之知

令尹子瑕言蹇由於楚子蹇由吳王弟五年曰彼何

罪諺所謂室於怒市於色者楚之謂矣言靈王怒吳子而執

其弟猶下人忿於室舍前之忿可也乃歸蹇由言楚子能

用善言

經二十年春王正月夏曹公孫會自鄭出奔宋無傳

嘗有玉帛之使來告故書鄭曹邑秋盜殺衛侯之兄縶齊豹作而

日盜所謂求名而不得冬十月宋華亥向寧華定出奔陳與

爭而出皆書名惡之十有一月辛卯蔡侯廬卒無傳未同盟而赴以名

傳二十年春王二月己丑日南至是歲朔旦冬至之歲也當言正

月己丑朔日南至時史失閏閏更在二月後故經因史而書正月傳更具於二月記南至日以正歷

也梓慎望氛氛氣也時魯侯不行登臺之禮使梓慎望氛曰今茲宋有

亂國幾亡三年而後弭祭有大喪為宋華向出叔奔蔡侯卒傳

孫昭子曰然則戴桓也戴族華氏桓族何氏汰侈無禮已甚

亂所在也傳言妖由人興費無極言於楚子曰建與伍奢

將以方城之外叛自以為猶宋鄭也齊晉又交輔

之將以害楚其事集矣王信之問伍奢伍奢對曰

君一過多矣一過納建妻何信於讒王執伍奢念奢使切言

城父司馬奮揚殺太子未至而使遣之知太子冤故遣令去

三月太子建奔宋王召奮揚奮揚使城父人執已

以至王曰言出於余口入於爾耳誰告建也對曰

臣告之君王命臣曰事建如事余臣不佞也佞才不

能苟貳奉初以還奉初命以周旋不忍後命故遣之既而

悔之亦無及也王曰而敢來何也對曰使而失命

召而不來是再奸也也逃無所入王曰歸從政

如他日善其言無極曰奢之子材若在吳必憂楚

國盍以免其父召之彼仁必來不然將為患王使

召之曰來吾免而父棠君尚謂其弟負棠君奢之長子尚也

為棠邑大夫曰爾適吳我將歸死吾知不逮自以

及我能死爾能報聞免父之命不可以莫之奔也

親戚為戮不可以莫之報也奔死免父孝也度功

而行仁也仁者貴擇任而往知也負任知死不辟

勇也尚為父不可棄俱去為名不可廢俱死為爾

其勉之相從為愈愈差伍尚歸奢聞負不來曰楚

君大夫其肝食乎將有吳憂楚人皆殺之負如吳

言伐楚之利於州于州于吳公子光曰是宗為戮

而欲反其讐不可從也光吳公子闔廬也反復也負曰彼將有

他志光欲弒僚不利負用事余姑為之求士而鄙

以待之計未得用故進勇士以乃見鱒設諸焉鱒

勇而耕於鄙為二十七年宋元公無信多私而惡

華向華定華亥與向寧謀曰亡愈於死先諸恐元公殺

巴欲先 華亥偽有疾以誘羣公子公子問之則執

之夏六月丙申殺公子寅公子御戎公子朱公子

固公孫援公孫丁拘向勝向行於其廩八子皆公

如華氏請焉弗許遂劫之劫癸卯取大子樂與母

弟辰公子地以為質樂景公也辰及地皆元公弟公亦取華亥之

子無感向寧之子羅華定之子啓與華氏盟以為

質為此冬華衛公孟繁狎齊豹公孟靈公兄也齊豹齊惡之子為衛

司寇狎奪之司寇與鄆鄆豹有役則反之無則取

之繫足不良故有役則以官邑遷豹使行公孟惡北宮喜褚師圃欲

去之喜貞公子朝通于襄夫人宣姜宣姜靈懼而

欲以作亂故齊豹北宮喜褚師圃公子朝作亂初

齊豹見宗魯於公孟薦達也為驂乘焉為公孟驂乘將作

亂而謂之曰公孟之不善子所知也勿與乘吾將

殺之對曰吾由子事公孟子假吾名為故不吾遠

也言子借我以善名故公孟親近我雖其不善吾亦知之抑以利

故不能去是吾過也今聞難而逃是僭子也使子

信也子行事乎吾將死之以周事子周猶終竟也而歸死

於公孟其可也丙辰衛侯在平壽平壽衛下邑公孟有

事於蓋獲之門外有事祭也蓋獲衛郭門齊子氏帷於門外

而伏甲焉齊豹之家使鼃祝寘戈於車薪以當門要其前也

使一乘從公孟以出亦如前車寘戈於薪尋其後使華齊御公

孟宗魯驂乘及閭中閭曲門中齊氏用戈擊公孟宗魯

以背蔽之斷肱以中公孟之肩皆殺之公聞亂乘

驅自閭門入慶比御公公南楚驂乘使華寅乘貳

車公副車及公宮鴻駟馳駟乘于公鴻駟馳復就公乘一車四人公

載寶以出褚師子申遇公于馬路之衢遂從從公出

過齊氏使華寅肉袒執蓋以當其闕肉袒示不敢與齊氏爭執

蓋蔽公而去闕空也以蓋當侍從空闕之處齊氏射公中南楚之背公

遂出寅閉郭門不欲令追者出踰而從公踰郭門公如死鳥

死鳥衛地析朱鉏宵從竇出徒行從公朱鉏成子黑背孫齊侯

使公孫青聘于衛青頃公之孫既出聞衛亂使請所聘

公曰猶在竟內則衛君也乃將事焉將事行聘事遂從

諸死鳥請將事辭曰亡人不佞失守社稷越在草

莽吾子無所辱君命賓曰寡君命下臣於朝曰阿

下執事阿比也命已使比衛臣下臣不敢貳貳違命也主人曰君若

惠顧先君之好照臨敝邑鎮撫其社稷則有宗祧

在言受聘當乃止止不行衛侯固請見之欲與青

不獲命以其良馬見以為相為未致使故也未致

不敢以衛侯以為乘馬喜其敬也實將振振行主

人辭曰亡人之憂不可以及吾子草莽之中不足

以辱從者敢辭賓曰寡君之下臣君之牧圉也若

不獲扞外役是不有寡君也有相臣懼不免於戾

請以除死親執鐸終夕與於燎設火燎齊氏之宰

渠子召北宮子北宮北宮氏之宰不與聞謀殺渠

子遂伐齊氏滅之丁巳晦公入與北宮喜盟于彭

水之上喜本與齊氏同謀秋七月戊午朔遂盟國

人八月辛亥公子朝褚師圃子玉霄子高魴出奔

晉皆齊閏月戊辰殺宣姜與公子朝衛侯賜北宮

喜諡曰貞子滅齊賜析朱鉏諡曰成子青從而以

齊氏之墓予之皆未死而賜諡及衛侯告寧于齊

且言子石子石公孫青齊侯將飲酒徧賜大夫曰

二三子之教也喜青敬死何忌辭曰與於青之賞

必及於其罰何忌齊大夫言青若在康誥曰父子

兄弟罪不相及尚書况在羣臣臣敢貪君賜以于

先王言受賜則犯琴張聞宗魯死琴張孔子弟子

將往弔之仲尼曰齊豹之盜而孟縶之賊女何弔

焉言齊豹所以為盜孟縶所以見賊皆由宗魯君子不食姦知公孟不

不受亂許豹行事不為利疚於回疾病回

不以回待入知難不咎是不蓋不義邪也以

城平公公孫忌樂舍舍樂司馬彊向宜向鄭宜鄭

戊楚建楚平王之郟甲小邾穆出奔鄭八下宋大

其徒與華氏戰于鬼闔八子之徒眾也賴川

敗子城子城適晉子城為華氏所敗別走至晉華

亥與其妻必盥而食所質公子者而後食公與夫

人每日必適華氏食公子而後歸華亥患之欲歸

公子向寧曰唯不信故質其子若又歸之死無日

矣公請於華費遂將攻華氏費遂大司對曰臣不

敢愛死無乃求去憂而滋長乎恐殺大子臣是以

懼敢不聽命公曰子死亡有命余不忍其詢詢恥

冬十月公殺華向之質而攻之戊辰華向奔陳華

登奔吳登費遂之子向寧欲殺大子華亥曰于君

黨華向者

向寧欲殺大子華亥曰于君

向寧欲殺大子華亥曰于君

質如字

而出又殺其子其誰納我且歸之有庸可以為使

少司寇恠以歸也恠華亥庶兄曰子之齒長矣不

能事人以三公子為質必免質信也送公子歸可

公子既入華恠將自門行從公門去公遽見之執其手

曰余知而無罪也入復而所而女也所齊侯疥遂

疢疢瘵疾期而不瘳諸侯之賓問疾者多在多在梁

丘據與裔款二子齊雙大夫言於公曰吾事鬼神豐於先

君有加矣今君疾病為諸侯憂是祝史之罪也諸

侯不知其謂我不敬君盍誅於祝固史囂以辭賓

欲殺囂固以辭謝來問疾之賓公說告晏子晏子曰日宋之盟日也宋盟在襄二十七年

屈建問范會之德於趙武趙武曰夫

子之家事治言於晉國竭情無私其祝史祭祀陳

信不愧其家事無猜其祝史不祈家無猜疑之事故祝史無求於

鬼建以語康王楚王康王曰神人無怨宜夫子之光

輔五君以為諸侯主也五君文襄靈成景公曰據與款謂

寡人能事鬼神故欲誅於祝史子稱是語何故對

曰若有德之君外內不廢無廢事上下無怨動無違

事其祝史薦信無愧心矣君有功德祝史陳說之無所愧是以鬼

左傳卷三十一

神用饗國受其福祝史與焉與受其國福其所以蕃祉老
 壽者為信君使也其言忠信於鬼神其適遇淫君
 外內頗邪上下怨疾動作辟違從欲厭私使私情厭足
 高臺深池撞鐘舞女斬刈民力輪掠其聚掠奪取也以
 成其違不恤後人暴虐淫從肆行非度無所還忌
 還猶顧也 不思謗讟不憚鬼神神怒民痛無後於心其
 祝史薦信是言罪也以實白神是為言君之罪其蓋失數美是
 矯誣也蓋掩也進退無辭則虛以求媚作虛辭以是求媚於神
 以鬼神不饗其國以禍之祝史與焉所以天昏孤

疾者為暴君使也其言僭嫚於鬼神公曰然則若
 之何對曰不可為也言非誅祝史所能治山林之木衡鹿守
 之澤之萑蒲舟鮫守之藪之薪蒸虞侯守之海之
 鹽蜃祈望守之衡鹿舟鮫虞侯祈望皆官名也言公專守山澤之利不與民共縣
 鄙之人入從其政偏介之關暴征其私余隔也迫近國都之
 關言邊鄙既入服政役又為近隣所征稅枉暴奪其私物承嗣大夫強易其賄
 承嗣大夫世位者布常無藝藝法制也言布政無法制徵歛無度宮室
 日更淫樂不違違去也內寵之妾肆奪於市肆放也外
 寵之臣僭令於鄙詐為教令於邊鄙私欲養求不給則應

養長也所求不給則應之以罪民人苦病夫婦皆詛祝有益也詛

亦有損聊攝以東聊攝齊西界也平原姑尤以西

姑尤齊東界也姑水尤水皆在城陽郡東南入海其為入也多矣雖其善

祝豈能勝億兆人之詛萬萬曰億萬億曰兆君若欲誅於祝

史脩德而後可公說使有司寬政毀關去禁薄斂

已責除通責十二月齊侯田于沛言疾愈行獵沛澤名招虞人

以弓不進虞人掌山澤之官公使執之辭曰昔我先君之

田也旃以招大夫弓以招士皮冠以招虞人臣不

見皮冠故不敢進乃舍之仲尼曰守道不如守官

君招當往道之常也非物不進官之制也君子題之題是齊侯至自田

晏子侍于遄臺子猶馳而造焉子猶梁丘據公曰唯據

與我和夫晏子對曰據亦同也焉得為和公曰和

與同異乎對曰異和如羹焉水火醯醢鹽梅以烹

魚肉燁之以薪燁炊也宰夫和之齊之以味濟其不

及以洩其過濟溢也洩減也君子食之以平其心君臣亦

然亦如君所謂可而有否焉否不可也臣獻其否以成

其可以獻君之否君所謂否而有可焉臣獻其可以

去其否是以政平而不干民無爭心故詩曰亦有

和羹既戒既平

詩頌殷中宗言中宗能與賢者和齊可否其政如羹敬戒且平和羹

備五味異於大羹

饔餼無言時靡有爭

饔餼總也饔大也言總大政能使上下

皆如和羹先王之濟五味

濟成也和五聲也以平其心成

其政也聲亦如味一氣

須氣一體舞者有三類

頌四物

雜用四方之物以成器

五聲

宮商角徵羽

六律

黃鍾大簇姑洗蕤賓

夷則無射也陽聲為律陰聲為呂此十二月氣

七音

周武王伐紂自午及子凡七日王因此以

數合之以聲昭之故以七同其數以律和其聲謂之七音

八風

八方之風

九歌

九功之德皆可歌也六府三事謂之九功

以相成也言此九者合然清濁小大短長疾徐哀樂剛柔遲速高下出入周疏以相

濟也

周審也

君子聽之以平其心心平德和故詩曰

德音不瑕

詩幽風也義取心平則德音無瑕闕

今據不然君所謂可

據亦曰可君所謂否據亦曰否若以水濟水誰能

食之若琴瑟之專壹誰能聽之同之不可也如是

飲酒樂公曰古而無死其樂若何晏子對曰古而

無死則古之樂也君何得焉昔爽鳩氏始居此地

爽鳩氏少皞氏之司寇也

季荝因之

季荝虞夏諸侯代爽鳩氏者

有逢伯陵

因之

逢伯陵殷諸侯姜姓

蒲姑氏因之

蒲姑氏殷周之間代逢公者

而後

大公因之古若無死爽鳩氏之樂非君所願也

齊侯

其於所樂志於不死晏子稱古以節其情願鄭子產有疾謂子大叔曰

我死子必為政唯有德者能以寬服民其次莫如

猛夫火烈民望而畏之故鮮死焉水懦弱民狎而

翫之也狎輕則多死焉故寬難治疾數月而卒大

叔為政不忍猛而寬鄭國多盜取人於萑苻之澤

萑苻澤名於澤中劫入大叔悔之曰吾早從夫子不及此興

徒兵以攻萑苻之盜盡殺之盜少止仲尼曰善哉

政寬則民慢慢則糾之以猛糾猶攝也猛則民殘殘則

施之以寬寬以濟猛猛以濟寬政是以和詩曰民

亦勞止汔可小康惠此中國以綏四方施之以寬

也詩大雅汔其也康綏皆安也周厲王暴虐民勞於苦政故詩人刺之欲其施之以寬毋從

詭隨詭人隨人無正心不可從以謹無良謹勅也式遏寇虐慘不

畏明糾之以猛也式用也遏止也慘曾也言為寇虐曾不畏明法者亦當用猛政

柔遠能邇以定我玉平之以和也柔安也邇近也遠者

懷附近者各以能進則王室定又曰不競不絀不剛不柔詩殷頌言湯政

也絀急也布政優優百祿是道優優和也道聚也和之

至也及子產卒仲尼聞之出涕曰古之遺愛也子產

見愛有古人之遺風

二十有一年春王三月葬蔡平公夏晉侯使士

鞅來聘晉頃公即宋華亥向寧華定自陳入于宋

南里以叛自外至故曰入披其邑故秋七月壬午

朔日有食之八月乙亥叔輒卒叔弓之冬蔡侯朱

出奔楚朱為太子則失位遂微弱為公如晉至河

乃復晉人辭

二十一年春天王將鑄無射周景王也無射鐘名律中無射冷

州鳩曰王其以心疾死乎冷樂官州夫樂天子之

職也職所夫音樂之輿也樂因音而鐘音之器也

天子省風以作樂省風俗作器以鐘之鐘

輿以行之樂須音小者不窳窳細大者不

于耳而藏于心心億則樂億安窳則不咸不充滿

心弗堪其能久乎為明年天三月葬蔡平公蔡大

子朱失位位枉卑不在適子位大夫送葬者歸見

昭子昭子問蔡故以告昭子歎曰蔡其亡乎若不

亡是君也必不終詩曰不解於位民之攸暨詩大

左傳

卷三十五

也息今蔡侯始即位而適卑身將從之為蔡侯朱夏出奔傳

晉士鞅來聘叔孫為政叔孫昭子以三命為國政季孫欲惡諸

晉憎叔孫在巳上位使有司以齊鮑國歸費之禮

為士鞅鮑國歸費在十四年宰禮各如其命數魯人失禮故為鮑國七年士鞅怒

曰鮑國之位下其國小而使鞅從其牢禮是卑敝

邑也將復諸寡君魯人恐加四牢焉為十一牢魯

不能以禮事大國且為宋華費遂生華貍華多僚

華登貍為少司馬多僚為御士公御與貍相惡乃

譖諸公曰貍將納亡人亡人華亥等亟言之公曰司馬

以吾故亡其良子司馬謂費遂為人司馬良子謂華登死亡有命吾

不可以再亡之對曰君若愛司馬則如亡君若愛大司馬

則當亡死如可逃何遠之有言亡可以逃死勿慮其遠以恐動公公

懼使侍人召司馬之侍人宜僚飲之酒而使告司

馬告司馬司馬歎曰必多僚也吾有讒子而弗能

殺吾又不死抑君有命可若何乃與公謀逐華貍

將使田孟諸而遣之公飲之酒厚酬之酬酒賜及

從者司馬亦如之亦如公賜張句尤之張句華貍臣尤怪賜之厚曰

必有故使子皮承宜僚以劍而訊之子皮華貍訊問也宜

僚盡以告告欲因田張句欲殺多僚子皮曰司馬

老矣登之謂甚言登亡傷司吾又重之不如亡也

五月丙申子皮將見司馬而行則遇多僚御司馬

而朝張句不勝其怒遂與子皮曰任鄭翮殺多僚

任翮亦劫司馬以叛而召亡人壬寅華向入樂太

心豐愆華徑禦諸橫梁國睢陽縣華氏居盧門以

南里叛盧門宋東六月庚午宋城舊鄘及桑林之

門而守之舊鄘故城也秋七月壬午朔日有食之

公問於梓慎曰是何物也禍福何為物事對曰二

至二分二至冬至夏至日有食之不為災日月之

行也分同道也至相過也二分日夜等故言同道

其他月則為災陽不克也故常為水陰侵陽是於

是叔輒哭日食意在於昭子曰子叔將死非所哭

也八月叔輒卒冬十月華登以吳師救華氏登前

吳齊烏枝鳴成宋烏枝鳴厨人濮曰濮宋厨軍志

有之先入有奪人之心後入有待其衰盍及其勞

且未定也伐諸若入而固則華氏衆矣悔無及也

從之內寅齊師宋師敗吳師于鴻口梁國睢陽縣

獲其二帥公子苦雒偃州負二帥吳大夫華登帥其餘

師吳餘以敗宋師公欲出出奔廚人濮曰吾小人可藉

死死可借使死難而不能送亡君請待之請君待復戰決勝負乃徇

曰揚徽者公徒也也微識衆從之公自揚門見之見國

人皆揚徽睢陽正東門名揚門下而巡之曰國亡君死二三子之

恥也豈專孤之罪也齊烏枝鳴曰用少莫如齊致

死齊致死莫如去備備長兵也彼多兵矣請皆用劍從

之華氏北復即之北敗走廚人濮以裳裹首而荷以

走曰得華登矣遂敗華氏于新里新里華氏所取邑翟僕

新居于新里既戰說甲于公而歸居華氏地而助公戰華姓

居于公里亦如之姓華氏族故助華氏亦如復新說甲歸傳言古之為軍不皆小

十一月癸未公子城以晉師至城以前年奔晉今還救宋曹

翰胡曹大夫會晉荀吳中行穆子齊苑何忌齊大夫衛公子

朝前年出奔晉今還衛救宋丙戌與華氏戰于楛丘楛丘宋地鄭

翩願為鶴其御願為鸞鄭翩華氏黨鶴鸞皆陳名子祿御公子

城莊董為右子祿向宣于孽御呂封人華豹張句為右

呂封人華豹華氏黨相遇城還華豹曰城也城怒而反之怒其

呼已反將注豹則關矣注傳矣曰平公之靈尚輔

還戰還戰

相余平公公子豹射出其間出子城子將注則又

關矣曰不狎鄙狎更抽矢豹止城射之殪豹張句

抽及而下父長丈二射之折股扶伏而擊之折軫

折城又射之死囚干犢請一矢求城曰余言女於

君欲活對曰不死伍乘軍之大刑也同乘共伍干

刑而從子君焉用之子速諾乃射之殪犢又大敗

華氏圍諸南里華亥搏膺而呼見華貍曰吾為樂

氏矣音樂盈還入作亂而貍曰子無我廷不幸而

後也使華登如楚乞師華貍以車十五乘徒

七十人犯師而出犯公師也食於睢上哭而送之

乃復入入南楚遠越帥師將逆華氏大宰犯諫曰

諸侯唯宋事其君今又爭國釋君而臣是助無乃

不可乎王曰而告我也後既許之矣為明年華向

蔡侯朱出奔楚費無極取貨于東國東國隱大子

之弟朱而謂蔡人曰朱不用命於楚君王將立東

國若不相從王欲楚必圍蔡蔡人懼出朱而立東

國朱愬于楚楚子將討蔡無極曰平侯與楚有盟

故封盟于鄧依陳其子有二心故廢之子謂靈王

殺隱大子其子與君同惡德君必甚又使立之不亦可乎且廢置在君蔡無他矣言權在楚則蔡無他心公如

晉及河鼓叛晉叛晉屬鮮虞晉將伐鮮虞故辭公將有軍事

無暇於待賓且懼泄軍謀

經二十有二年春齊侯伐莒宋華亥向寧華定自

宋南里出奔楚言自南里別從國去大蒐于昌間無傳夏四月

乙丑天王崩六月叔鞅如京師葬景王叔鞅叔弓子三月而

葬亂王室亂承叔鞅言而書之未故速劉子單子以王

猛居于臯河南鞏縣西南有黃亭辟子朝難出居臯王猛書名未即位秋劉子

單子以王猛入于王城王城郊鄆今河南縣冬十

月王子猛卒未即位故不言崩十有二月癸酉朔日有食

之無傳此月有庚戌又以長曆推按前後當為癸卯朔書癸酉誤

傳二十二年春王二月甲子齊北郭啓帥師伐莒

啓齊大夫北郭佐之後莒子將戰苑羊牧之諫牧之莒大夫曰齊

帥賤其求不多不如下之大國不可怒也弗聽敗

齊師於壽餘地莒齊侯伐莒怒莒子行成司馬寵如

莒泄盟寵齊大夫莒子如齊泄盟盟于稷門之外稷門齊城

也莒於是乎大惡其君為明年莒子來奔傳楚遠越使告于

宋曰寡君聞君有不令之臣為君憂無寧以為宗

羞無寧寧也言華氏為宋宗廟之羞恥寡君請受而戮之對曰孤不

佞不能媚於父兄華向公族也故稱父兄以為君憂拜命之

辱抑君臣曰戰君曰余必臣是助亦唯命人有言

曰唯亂門之無過君若惠保敝邑無亢不喪以獎

亂人孤之望也唯君圖之楚人患之患宋以義距之諸侯

之成謀曰若華氏知困而致死楚恥無功而疾戰

非吾利也不如出之以為楚功其亦無能為也已

言華氏不能復為宋患救宋而除其害又何求乃固請出之

宋人從之己巳宋華亥向寧華定華貍華登皇奄

傷省臧士平出奔楚華貍以下五子不書非卿宋公使公孫忌

為大司馬代華費遂邊卬為大司徒卬平公曾孫代華定樂祁為

司城祁子罕孫樂祁粹仲幾為左師幾仲江孫代向寧樂大心為

右師代華左樂輓為大司寇輓子罕孫以靖國人終梓慎之言三

年而後再王子朝賓起有寵於景王子朝景王之長庶子賓起子朝之傳

王與賓孟說之欲立之孟即起也王與賓孟欲立子朝為太子劉獻

公之庶子伯蚩事單穆公獻公劉鞮伯蚩劉狄穆公單旗惡賓孟

之為人也願殺之又惡王子朝之言以為亂願去

之子朝有欲立之賓孟適郊見雄鷄自斷其尾問

之侍者曰自憚其犧也畏其為犧牲秦宗廟故自殘遽歸告王

且曰雞其憚為人用乎人異於是雞犧雖見寵飾然卒當見殺若

人見寵飾則當貴犧者實用入人犧實難已犧何

害言設使寵人如寵犧則不宜假入以招禍難使犧在已則無患害以喻子朝欲使王早寵與之

王弗應十五年大子壽卒王立子猛後復欲立子朝而末定賓孟感雞盛稱子朝王心許之

故不夏四月王田北山使公卿皆從將殺單子劉

子北山洛北苦也王知單劉不王有心疾乙丑崩

于榮錡氏四月十九日河南戊辰劉子摯卒二十

無子單子立劉蚝蚝事單王故五月庚辰見王見王王遂

攻賓起殺之黨子朝故盟羣王子于單氏王子猛次王

焉獻於又叛於鮮虞叛晉屬六月荀吳略東陽行

也東陽晉之山東使師偽糴者負甲以息於昔陽

之門外昔陽故肥遂襲鼓滅之以鼓子鳶鞮歸使

涉佗守之守鼓之地涉丁巳葬景王王子朝因舊

官百工之喪職秩者與靈景之族以作亂百工百

王景王之子孫帥郊要餞之甲周地以逐劉子逐伯壬戌

之

劉子奔揚揚周單子逆悼王于莊宮以歸悼王子

王子還夜取王以如莊宮王子還子朝黨也不欲

癸亥單子出失位故王子還與召莊公謀莊公召

也朝黨曰不殺單旗不捷旗單與之重盟必來背盟

而克者多矣從之從還樊頃子曰非言也必不克

頃子樊齊頃子樊齊遂奉王以追單子王于還及領大盟而

復領周地欲重盟今殺擊荒以訟委罪劉子如劉

歸其單子劉子復歸單子亡乙丑奔于平時平時周地知王子羣

王子追之單子殺還姑發弱駸延定稠八子靈景

而殺子朝奔京其黨丙寅伐之單子京人奔山劉

子入于王城子朝奔京辛未鞏簡公敗績于京乙

亥其平公亦敗焉其鞏二公周卿士叔鞅至自京

師葬景言王室之亂也經所閔馬父曰子朝必不

克其所與者天所廢也閔馬父閔子馬魯大夫單

子欲告急于晉秋七月戊寅以王如平時遂如圃

車次于皇出次以示急劉子如劉單子

使王子處守于王城王子處子猛黨盟百工于平

宮平宮平辛卯鄆肸伐皇鄆肸子大敗獲鄆肸壬

王廟

王廟

辰焚諸王城之市焚郟八月辛酉司徒醜以王師

敗績于前城醜悼王司徒前城子朝所得邑百工叛司徒醜敗故己巳

伐單氏之宮敗焉百工伐單氏為單氏所敗庚午反伐之單氏反伐

辛未伐東圍百工所在洛陽東南有圍鄉冬十月丁巳晉籍

談荀躒帥九州之戎九州戎陸渾戎十七年滅及屬晉州鄉屬也五州為鄉

焦瑕溫原之師焦瑕溫原晉四邑以納王于王城丁巳在十月經

庚申單子劉盩以王師敗績于郊為子朝之黨所敗

前城人敗陸渾于社前城子城衆社周地十一月乙酉王子

猛卒乙酉在十一月經書十月諛不成喪也釋所以不

稱王已丑敬王即位敬王王子猛母弟王子旬館于子旅氏子旅

十二月庚戌晉籍談荀躒賈辛司馬督司馬

帥師軍于陰籍談所軍于侯氏荀躒所軍于谿泉賈辛所軍鞏縣西南

有明谿泉次于社司馬督所次王師軍于汜于解次于任人

王師分在三邑洛陽西南有大解小解閏月晉箕遺樂徵右行詭濟

師取前城三子晉大夫濟師渡伊洛軍其東南王師軍于京楚

辛丑伐京毀其西南京楚子朝所在

春秋左傳卷二十四



Handwritten text in vertical columns, likely bleed-through from the reverse side of the page. The text is written in a traditional Chinese style, possibly using seal script or a similar cursive form. The page is otherwise blank, with a simple black border framing the text area.

Vertical text on the right edge of the page, possibly a page number or a section header. The characters are partially obscured and difficult to read.

Vertical text on the right edge of the page, possibly a page number or a section header. The characters are partially obscured and difficult to read.

